

ILUARSIISSUT

Ilassutitut isumaliutissiissut 23. november 2020-mik ullulerneqarsimasoq taarserpaa Ataatsimiititaliap isumaliutissiissutaa 23. november 2020-mik ullulerneqarsimasoq, kukkunikkullu ”Ilassutitut isumaliutissiissummik” taaneqarsimasoq taarserpaa.

Umiarsuarnik nalunaarsuineq pillugu maleruagassat Kalaallit Nunaannut atuutilereri pillugit peqqussutip Namminersorlutik Oqartussanit akuerineqarnissaa pillugu Inatsisartut aalajangiiffigisassaattut siunnersuut
(*Ineqarnermut Attaveqaqatigiinnermullu Naalackersuisumit saqqummiunneqartoq*)

Pillugu

Sanaartornermut ataatsimiititaliap

Siunnersuutip aappasaanerreqarneranut

ISUMALIUTISSIISSUTAA

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Justus Hansen, Demokraatit, siulittaasoq
Inatsisartunut ilaasortaq Aqqaluaq B. Egede, Inuit Ataqaatigiit, siulittaasup tullia
Inatsisartunut ilaasortaq, Erik Jensen Siumut
Inatsisartunut ilaasortaq Pele Broberg, Partii Naleraq
Inatsisartunut ilaasortaq Nikkulaat Jeremiassen, Siumut

UKA2020-mi ulloq 27. oktober 2020 siullermeerinninnerup kingorna siunnersuut ataatsimiititaliamit misissorneqarpoq.

1. Siunnersuutip siunertaa imarisaalu

Umiarsuit Kalaallit Nunaanni angerlarsimaffeqartut ullumikkut Danmarkimi umiarsuit nalunaarsorsimaffianni nalunaarsorsimapput. Malittarisassalli umiarsuarnut danskinit Kalaallit Nunaannillu pigineqartunut assigiinngillat, taakkua suli Kalaallit Nunaannut atuutilersinneqarnikuunngimmata. Siunnersuummi matumani, siunnersuutigineqarpoq, Kalaallit Nunaat kunngip peqqussutaanut, imarsiornermut inatsisip allanngortinneqarnissaa aamma umiarsuarnik nalunaarsuinernut tunngatillugu umiartorneq pillugu inatsimmik allannguinerit pillugit pappialanik nalilinnik atortussaajunnaarsitsinermit inatsisit¹. Tamatumani aamma atuupput inatsisit allannguutaat assigiissaarinerillu minnerusut Folketingemi 2006-mi aamma 2019-mi atuutilersinneqartut.

¹ Pappialanik nalilinnik atortussaajunnaartitsineq: pappiliaq nalilik inatsisitigut sunniutaarutsinneqartarnera. Uani pisumi umiarsuit pant-eqartinneqarnerannik malittarisassanik allannguneq pineqarpoq.

Kalaallit Nunaata umiarsuarnik nalunaarsuinermi digitaliseeriinermi peqataanissaata qulakkeerneqarnissaa allannguuteqartitsinermi siunertanut ilaavoq.

2. Tusarniaanermut akissutit

Tusarniaanermut akissutit siunnersuummut ilanngunneqarput, tamanna Inatsisartut Siulittaasoqarfiata ilusissatut piumasaqaataanut naapertuuppoq.

3. Apeqqutit

Ataatsimiititaliap siunnersuummik suliaqarnissaminut Ineqarnermut Attaveqaqatigiinnermut Naalakkersuisoq apeqqutinut arlalinnut akissuteqarnissaanut qinnuigisimavaa. Ataatsimiititaliap Ineqarnermut Attaveqaqatigiinnermut Naalakkersuisumut apeqqutai Ineqarnermut Attaveqaqatigiinnermullu Naalakkersuisullu akissutai isumaliutissiisummut uunga ilanngussatut ilaatinneqarput.

Ataatsimiititaliap siunnersuutip aningaasatigut allaffissornikkullu kingussai apeqqutigai, isumaliutissiisumilu immikkoortut sisamaanni suliarineqarput.

4. Ataatsimiititaliap siunnersuummik suliaqarnera

Siunnersuutip siullermeerneqarnerani imarsiornermut immikkoortup nunatsinnit tiguneqarnissaa oqaatigineqarmat ataatsimiititaliamit maluginiarneqarpoq. Naalakkersuisup inaarutaasumik oqaaseqarnermini tamanna pillugu oqaaseqarpoq.

Tassani immikkoortup nunatsinnit tiguneqarnissaanik suliniutit aallartisarneqartut nassuiaatigaa.

Tamanna ataatsimiititaliamit tusaatissatut tiguneqarpoq.

4.1 Aalajangiiffigisassatut siunnersuut amigartooq

Ataatsimiititaliap siunnersuummik matuminnga suliaqarnermini paasivaa, Inatsisartunut aalajangiiffigisassatut siunnersuummik tunniussaartoqarsimanngitsoq. Taamaammat siunnersuutip ataatsimiititaliamit siullermeerneqarnerani Naalakkersuisut saqqummiussissutissatut oqaaseqaataattut suliarineqarpoq.

Naalakkersuisut siunissami aalajangiiffigisassatut siunnersuuteqaraangamik aalajangiiffigisassatut siunnersuummik Inatsisartunut nassiussisassasoq Ataatsimiititaliamit innersuussutigineqassaaq.

4.2 Siunnersuutip aningaasatigut kingunissai

Inatsisartut suleriaasaanni § 33, imm. 1-mi aalajangiiffigisassatut siunnersuutit tunngavilersornerani aningaasatigut allaffissornikkullu kingunissai siunnersuutip tunngavilersorneqarnerani allassimasussaapput.

Aalajangiiffigisassatut siunnersuuteqartoqanngimmat aningaasatigut kingunissai Inatsisartunut saqqummiunneqarnikuunngillat, taakkualu Naalakkersuisuisut saqqummiussissutissatut oqaaseqaataanni allassimannngillat. Taamaammat pisortanut, inuussutissarsiortunut innuttaasunullu aningaasatigut kingunissaat allaaserineqarnissaannik Naalakkersuisut Ataatsimiititaliamit qinnuigineqarput. Pisortanut, inuussutissarsiortunut innuttaasunullu aningaasatigut kingunissaqanngitsoq Naalakkersuisut ilisimatitsipput:

“Imarsiornermut tunngatillugu suliassa qarfik tiguneqarnikuunngilaq, taamaattumillu siunnersuut Nunatsinni oqartussanut allaffissornikkut kingunissaqarani.

Digitaliseeriineq innuttaasut inuutissarsiutillillu pingaarnertut annertuumik iluaqutigisinnaassavaat, ullutsinnilu allakkanik nassitsisarnerit pappiaqqatigullu nalunaarsuisarnerit atorunnaarsinneqarsinnaassallutik. Taamaakkaluartoq uppernarsaatinik pappiaqqanik suli nassitsisoqarsinnaassaaq. Umiarsuarnik nalunaarsuisarnerup digitaliseererneqareerneratigut assersuutigalugu inuit digitaliusumik atsiorsinnaanngitsut imaluunniit digitaliusumik atsiorusunnngitsut, umiarsuarnik nalunaarsuiffimmu sinnerlutik nalunaarsinnaasussanut piginnaatitsissummik tunniussisinnaassapput

Aamma digitaliseeriinerup kingunerisaanik maanna umiarsuit nunamit suminngaanneernerinut uppernarsaatinik umiarsuarmititsisarnissaannut piumasaaqataasoq atorunnaassaaq, paasissutissat digitaliusut oqartussaasunit pigineqarmata.”

Ataatsimiititaliap tamanna tusaatissatut tiguaa, Naalakkersuisunullu inassutigalugu siunissami immikkoortut Inatsisartunut tunniutinnginnerani siunnersuutip kingunerisinnaasai naammaginatut nassuiaatigineqartarnissaat.

4.3 Atortussat nassiunneqartut naapertuutinngitsut – sunngiffimmi angallatinik nalunaarsuineq

Atortussat Danmarkimi umiarsuarnik nalunaarsuivimmit, Naalakkersuisullu saqqummiussissutaasa naapertuutinnginneri Ataatsimiititaliamit paasineqarpoq.

Naalakkersuisut saqqummiussissutaanni 26. oktober 2020-meersumi naalisakkami allaqqavoq:

*”Allannguinerup aamma kingunerissavaa sunngiffimmi angallatit 5 bruttotonsit sinnerlugit aamma 20 bruttotonsit inorlugit angissusillit umiarsuarnut nalunaarsuivimmi allassimajunnaarnerat. **Taakkunungali taarsiullugu angallatit allattorsimaffiini allassimasalissapput.** Ullumikkut angallatit taamaattut Kalaallit Nunaanni 100-t missaanniipput. Angallatinut taakkunungala ikaarsaarnermi aaqquissuussinermik suliqartoqassaaq, taamaalillunilu angallatit qularnarveeqquissuusaarluni taarsigassarsinermi allagartamik*

peqarpata, taakku umiarsuarnut nalunaarsuiffimmiit inunnut nalunaarsuiffimmut nuunneqarsinnaalissapput. Siunissaq eqqarsaatigalugu tamanna angallatit piginnittuinit oqartussaasunullu allaffissornikkut oqinnerulersitsissaaq.”
(Ataatsimiititaliap erseqqissaanera)

Siunnersuummut ilanngussami 1-mi allaqqavoq:

”Qallunaat umiartorneq pillugu inatsisaat 2017-imi allanngortinneqarpoq, taamaalilluni 1. marts 2018-imiit umiarsuarnut nalunaarsuivimmi akunnattunik angissusilinnik tassa minnerpaamik 5 aamma 20-mik minnerusumik bruttotonnage-linnik allatsittoqarsinnaajunnaarluni. Taamaattumik angallatini taamaattuni pant-inik nalunaarsuineq ullumikkut Personbogen-imi pisarpoq. Tamanna umiarsuarnik nalunaarsuivimmut nalunaarsuinnermit ingerlatsinikkut piuminarneruvoq. Personbogen-imi piginnittuussuseq nalunaarsorneqarneq ajorpoq, eqqartuussivinnilu nalunaarsuinnermut atatillugu piginnittuusimasut tullerriaarnerinut uppernarsaatilik saqqummiussuisariaarulluni.”

Umiarsuarnik nalunaarsuivimmit allakkatigut 3. november 2020-meersukkut Naalakkersuisunut erseqqissaatigineqarpoq:

“Tamatumani saniatigut erseqqissaatigineqassaaq, matumani aamma qularnaveeqqusiussaqarluni taarsigassarsiaqarnerit umiarsuarnut nalunaarsuiffimmiit inunnut nalunaarsuiffimmut nuunneqarsinnaanngimmata. Ikaarsaarnermi aqqissuussinermik, 1. marts 2018-imi Danmarkimi atuutsinneqalersup assinganik atuutsitsisoqalernissaa siunnersuutigineqarpoq.

Ikaarsaarnermut aqqissuussisoqarnerani umiarsuarnik nalunaarsuisartup kalaallit sunngiffimmi angallataat, minnerpaamik 5 bruttotonsinik angissusillit aamma 20 bruttotonsinit mikinerusut, qularnaveeqqusiussaqarluni taarsigassarsiaqartutut, atuisinnaatitaasutut imaluunniit allanik pisinnaatitaaffeqartutut nalunaarsorneqanngitsut maleruagassat atuutilernerini piiartussaassavai.

Sunngiffimmi angallatit, qularnaveeqqusiussaqarluni taarsigassarsiaqarfiusutut, atuisinnaatitaaffiusut imaluunniit allanik pisinnaatitaaffeqarfiusut nalunaarsuiffimmit peerneqassanngillat, kisiannili umiarsuarnut nalunaarsuiffimmi suut nalunaarsorneqarsinnaanersut killeqartorujussuussaaq, aammalu atuisinnaatitaaffinnik nutaanik nalunaarsuisoqarsinnaanngilaq, imaluunniit atuisinnaatitaaffinnik pioreersunik allannguisoqarsinnaassanani.

Aalajangersakkap Kalaallit Nunaannut atuutsinneqalernerata kingorna sunngiffimmi umiarsuarmi qularnaveeqqusiussaqluni taarsigassarsisoqarnissaa kissaatigineqarpat, qularnaveeqqusiinermut uppernarsaat inunmut nalunaarsuiffinnut nalunaarsorneqassaaq. Imarsiornermut Aqutsisoqarfiup paasinninnera malillugu allannguinermi qularnaveeqqusiussaqluni taarsigassarsisarneq pillugu Kalaallit Nunaannut nalunaarut nr. 435, 27. november 1967-imeersoq allannguutip atuutilerneranut peqatigitillugu atuuttussanngorsinnaasumik allanngortinneqartariaqassaaq.”

Ataatsimiititaliaq isumaqarpoq siunnersuut manna paatsoornermik peqquteqartoq, tamatumunngalu Umiarsuarnik nalunaarsuiviup erseqqissaassutaa innersuussutigissallugu.

4.4 Atortussani nassiunneqartuni naapertuutinngitsut – umiarsuit nunamit suminngaanneernerinut uppernarsaatinik umiarsuarmiititsisarnissaq

Naalakkersuisut 13. august 2020-mi saqqummiussisutaanni allaqqavoq:

”Aamma digitaliseeriinerup kingunerisaanik maanna umiarsuit nunamit suminngaanneernerinut uppernarsaatinik umiarsuarmiititsisarnissaannut piumasagaataasoq atorunnaassaaq, paasissutissat digitaliusut oqartussaasunit pigineqarmata.”

Tamanna Naalakkersuisut 13. Novembarimi ataatsimiititaliamut allakkamini aamma uteqqippaat.

Naalakkersuisut saqqummiussassatut oqaaseqaataanni naalisakkami 26. oktober 2020-meersuni allaqqavoq:

”Maanna umiarsuit nunamit suminngaanneernerinut uppernarsaatinik umiarsuarmiititsisarnissaannut piumasagaataasoq peqqussutup atuutilerneratigut atorunnaassaaq.”

Umiarsuarnilli nalunaarsuiviup 3. november 2020-mi Naalakkersuisunut allakkatigut oqaatigaat.

“Aamma ileqqorissaarnissaq eqqarsaatigalugu erseqqissaatigineqassaaq, nunamit suminngaanneernerimut uppernarsaatip naqeqqaakkap umiarsuarmiitinneqartussaanageranik piumasagaatip atorunnaarsinneqarnerani, nunamit suminngaanneernerimut uppernarsaatit digitaliusut uppernarsaatit digitalitut imaluunniit nunamit suminngaanneernerimut uppernarsaatip digitaliusup naqinneratut takutinneqartussaammat. Saqqummiussinermi allakkianut marluusunut imminnut assersuunneqarnerat paatsoornerussasoq

*ilimanarsinnaavoq. Annertunerusumik itisiliiffigineqarnissamik
pisariaqartitsigussi, imaluunniit apequtissaqarussi uannut
saaffiginnissinnaavusi.”*

Siunnersuut manna paatsoornermik tunngaveqartoq ataatsimiititaliaq isumaqarpoq Umiarsuarnillu nalunaarsuiviup erseqqissaanera maluginiarlugu.

4.5 Umiarsuarnik nalunaarsuinermik digitaliseeriinerup atuutilernissaanut piffissaq

Naalakkersuisunut allakktigit 3. november 2020 umiarsuarnik nalunaarsuivimmit allakktigit tulliuttut oqaatigineqarput:

*“Umiarsuarnik nalunaarsuiffiup digitaliusup ”tamakkiisumik”
atuutsinneqalernerani pappiaqqanik qularnaveeqqusiussaqarluni
taarsigassarsiaqarnermut uppernarsaasiisarneq atorunnaassaaq
(pappiararsortoqarunnaassaaq). Ilaatigut tamatuma nassatarisaanik
umiarsuarni qularnaveeqqusiussaqarluni taarsigassarsiaqarnermut
uppernarsaatit umiarsuarnik nalunaarsuiffimmu
nalunaarsorneqarsinnaaniarlutik digitalinngorlugit suliarineqartassapput.
Danmarkimi aamma Kalaallit Nunaanni ataatsikkut
pappiararsortoqarunnaarsinnaanngippat, Imarsiornermut Aqutsisoqarfiup
naliliinera malillugu qularnaveeqqusiussaqarluni taarsigassarsiaqarnermut
uppernarsaatit isumaqatiginninniutaasinnaasut eqqarsaatigalugit
qularnaveeqqusiussaqarluni taarsigassarsiaqarnermut allakkiat suut
atorneqassanersut inatsisitigit nalornissutaalertussaapput. Maannarpiaq
Kalaallit Nunaanni umiarsuarni qularnaveeqqusiussaqarluni
taarsigassarsiaqarnermut uppernarsaatit digitalinngortinneqartinnagit,
Danmarkimi qularnaveeqqusiussaqarluni taarsigassarsiaqarnermut
uppernarsaatinut isumaqatiginninniutaasinnaasunut tunngatillugu
pappiararsorunnaarnissaq pilersaarutigineqanngilaq.”*

Umiarsuarnik nalunaarsuivimmit tulliuttut aamma oqaatigineqarput:

*“Imarsiornermut Aqutsisoqarfik siusinnerusukkut ilisimatitsivoq, DSRG-p
2021-mi februaarimi ingerlalersinnaanissaa naatsorsuutigigippat. Piffissaq
taanna kinguartinneqarpoq.*

*Maannarpiaq taamaallaat 2021-mi suliffeqarfiup iluani
ingerlatsisinnaalernissaq naatsorsuutigaarput. Suliffeqarfiup iluani
ingerlatsinermi umiarsuarnik nalunaarsuisarnermut atortoq nutaaq
atorneqassaaq, kisiannili suli uppernarsaatinik pappiaqqanik atuisoqassaaq,
aammalu nalunaarsuisarneq allattuinnikkut pisassalluni. Tamatumunnga*

atatillugu maleruagassanik allannguinnissaq pisariaqartussaannngitsut nalilerneqarpoq.

Umiarsuarnik nalunaarsuisarnermik digitalinngortitsinissaq maannarpiaq kinguaattooqqavoq. Suliap ingerlanerani ajornartorsiutinik pisariusunik, aaqqinniarnerini piffissamik sivisunerusumik atuiffiusunik naammattuinerput tamatumunnga peqqutaavoq. Taamaattumik aalajangerpugut, umiarsuarnik nalunaarsuisarnermik digitaliusumik atuilernissaq immikkoortukkaarlugu ingerlanneqassasoq, taamaalillutalu aatsaat suliffeqarfiup iluani nalunaarsuisarnerit 2021-mi upernaakkut atulissagivut. Taamaalilluta ilaatigut Imarsiornermut Aqutsisoqarfiup atortunik ilinniarnissaa periarfissaqarfiussaaq, tassungalu ingerlatsinerup avammut atuutilernissaata, 2022-p ingerlanerani atulertussatut naatsorsuutigineqartup pinnginnerani iluarsisassanik pisariaqartitsisoqarnersoq pillugu misissuinissaq ilaatinneqarpoq. Umiarsuarnik nalunaarsuisarfiup digitaliusup suliarineqarnerani kunngikkormiut peqqussutaata Inatsisartunit piaarnerpaamik akuerineqarnissaa suli pingaaruteqarluinnarlunni.”

Ataatsimiititaliap kinguaattooruteqartoqarsimasoq maluginiarpa, avataaniillu ingerlatsineq 2022-ip ingerlanerani piimaartoq naatsorsuutigineqartoq, inatsisitigut qularnartut pinngitsoorniarlugit, qularnaveeqqusiussaqarluni taarsigassarsinermi allagartanut malittarisassat suuneri, umiarsuarnik nalunaarsuinerup digitaliseererneqarnera Danmarkimi Kalaallit Nunaannilu ataatsikkut atuutsilersinneqartariaqartut Ataatsimiititaliamittaaq maluginiarneqarpoq.

4.6 Kalaallit Nunaanni umiarsuit nalunaarsorneqartarnerannut akiliutit pillugit

Ulloq 1. marts 2018 umiarsuarnut niuffagiutinut aamma umiarsuarnut aalisariutinut 30-t inorlugit bruttotonnage-linnut ukiumoortumik akitsuut 300 koruuninut apparneqarpoq. Allannguutissatut siunnersuutigineqartoq taamaallaat umiarsuarnut ataasiakkaanut Kalaallit Nunaanni nalunaarsorsimasunut piginnittunullu Kalaallit Nunaannut nalunaarsorsimannngitsunut atuutissaaq, imaluunniit suliffeqarfinnut Kalaallit Nunaanni angerlarsimaffeqanngitsunut. Taamaammat allannguut Kalaallit Nunaannut aamma atuutilissasoq siunnersuutigineqarpoq, taamaalilluni umiarsuit ataasiakkaat akitsuutit apparneqarnerannik aamma iluaquteqarsinnaaqqullugit.

Ataatsimiititaliap erseqqissaatigissavaa, umiarsuit Kalaallit Nunaanni angerlarsimaffeqartut, inunnik Kalaallit Nunaanni najugaqartunit, imaluunniit suliffeqarfinnit Kalaallit Nunaanni angerlarsimaffeqartunit, malittarisassat atuuttut malillugit danskit umiarsuarnik nalunaarsuiviani allaqqanissamut akiliuteqartanngimmata. Siunnersuummit saqqummiuneqartumit tamanna allanngortinneqarnaviannngilaq.

4.7 Allanguutit allat pingaarnersiorlugit

Nunani allamiut piginnittut umiarsuaatimik danskisut erfalasoqalersinnissaannut periarfissaat pillugit maleruagassanik aaqiinerit erseqqissaanerillu. Allanguut Danmarkimi ulloq 1. januar 2018-mi atuutilerpoq, Kalaallit Nunaannullu atuutilernissaa aamma siunnersuutigineqarpoq.

Umiartorneq pillugu inatsit 1. januari 2018-imi Danmark-imi allanngortinneqarpoq, taamaalilluni umiarsuarnik nalunaarsuisup umiarsuit FN-imit aamma EU-mit aalajangigaasumik killilersuinerimik pineqaatissiiffiginninnernut nalunaarsuivinniit piiaanissamut piginnaatitaaffilerneqarluni. Umiarsuit taamaattut nalunaarsuivimmut allatorneqarsinnaannginneri pillugit umiarsuarnik nalunaarsuisartoq tamatumunnga peqatigitillugu aalajangiisarnissamut piginnaatitaaffilerneqarpoq, soorluttaaq umiarsuarnik nalunaarsuisartoq, umiarsuaq, killilersuinerimik pineqaatissiiffiginninnermik unioqqutitsisoqassappat, nalunaarsuivimmiit piarneqarsinnaannginneranik aalajangiisinnaasoq. Piginnaatitaaffiit taakkua aamma Kalaallit Nunaannut atuutilernissaat siunnersuutigineqarpoq.

Peqatigitillugu angallatit taaguutit allattorsimaffiniittut aaqinneranut ataatillugu allanguutit atulerput. Nunani allanit oqartussaasuniit nalunaarsuivimmit piigaasimanermut allagartamik amigaateqarnera pisuni immikkut ittuni apeqqutaatinneqannginnissaa periarfissanngortinneqarluni. Tamatumunnga peqatigitillugu umiartorneq pillugu inatsit iluarsineqarpoq, taamaalilluni piginnaatitaaffinnik peersitaanermut taarsiivigitinneq pillugit maleruagassat immikkut ittut angallatit nalunaarsuiviannut nalunaarsortinnermi atuutissanatik. Tamanna angallatit nalunaarsuiviannut allatsinneq piginnaatitaaffimmik nalunaarsuinerunngimmat, peqataasunut avataaniittumit tunngaviginiarneqarsinnaasoq, imaluunniit allat piginnaatitaaffiinit peersitaanermut tunngaviulersinnaaneranut attuumassuteqarpoq. Aaqiinerit aamma Kalaallit Nunaannut atuutilersinneqarnissaat siunnersuutaavoq.

2016-imi danskit umiartorneq pillugu inatsisaat erseqqissarneqarpoq, tassani umiarsuarnik nalunaarsuisartup umiartorneq pillugu inatsit naapertorlugu aalajangiinera, Danmark-ip avataani angerlarsimaffeqarpat, Østre Landsret-imut ingerlatinneqartassasut erseqqissarneqarluni. Danmarki pineqartillugu Danmarki/Kalaallit Nunaallu pineqarnissaatut siunnersuutigineqarpoq. Taamaammat umiarsuit Kalaallit Nunaanni angerlarsimaffeqartut pillugit aalajangiinerit Kalaallit Nunaanni Nunatta Eqqartuussisuuneranut ingerlanneqartassapput.

Umiarsualivinnut akitsuutitut akilerneqanngitsunut umiarsuaq nammineerluni pant-inngortarnissaa pillugu aalajangersakkat allanngortinnissaat aamma siunnersuutigineqarpoq allanguutikkut pisortanik aamma namminersortunik tunuliaqutaqarluni umiarsualiviit aaqqissuussat naligiissinneqarput. Allanguutikkut pisortanik aamma namminersortunik

tunuliaqutaqarluni umiarsualiviit aqqissuussat naligiissinneqarput. Allanguut 1. januar 2018-mi Danmarkimi atuutilerpoq, Kalaallit Nunaannullu atuutilernissaa siunnersuutaavoq.


Inatsisit allangortinneranut peqatigitillugu umiarsuarnik nalunaarsuinerup digitaliseererneqarnerani piunasaqaataavoq, nalunaarutit arlallit atuutilersinneqartussaanerat. Taakkua danskit naalagaaffiannit suliarineqartussaapput, taakkulu piareerpata Danmarkimi Kalaallit Nunaannilu tusarniutigineqartussaapput.

5. Ataatsimiititaliap inassutaa

Imarsiornermik immikkoortup tiguneqarnissaanut pilersaarummik upernaakkut 2021-mi ataatsimiinnissamut saqqummiusseqqullugit ataatsimiititaliap Naalackersuisut **kaammattorpai.**

Ataatsimiititaliap isumaqatigiittup siunnersuutip akuersissutigineqarnissaa inassutigaat.


Taamatut oqaaseqarluni siunnersuummilu allassimasutut paasinnilluni matumuuna ataatsimiititaliap siunnersuut aappassaanniigassanngortippaa.



Justus Hansen
Siulittaasoq



Aqqaluaq B. Egede
Siulittaasup tullia



Pele Broberg



Erik Jensen



Nikkulaat Jeremiassen



Inatsisartut Sanaartornermut Ataatsimiititaliaat
Att. Ataatsimiititaliap siulittaasua Justus Hansen

**Umiarsuarnik digitalikkut nalunaarsuisarneq pillugu UKA2020-026 pillugu
apeqquteqaammut akissut**

13-11-2020
Sullaq nr.:2020-43
ID nr. 58551531

Immikkoortoq 26 pillugu Sanaartornermut Ataatsimiititaliap apeqquteqaataanut Naalakkersuisut sinnerlugit qujavunga. Apeqqutit matumap kinguliani allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

- 1. Naalakkersuisut qinnuigineqassapput siunnersuutip aningaasatigut allaffissornikkullu tulluittunut kingunerisassai pillugit nassuiaaqqullugit.:**
 - a. Pisortanut**
 - b. Inuussutissarsiortunut**
 - c. Innuttaasunut**

Akissut: Siunnersuut pisortanut, inuutissarsiutilinnut, innuttaasunulluunniit aningaasaqarnikkut kingunissaqanngilaq.

Imarsiornermut tunngatillugu suliaasaqarfik tiguneqarnikuunngilaq, taamaattumillu siunnersuut Nunatsinni oqartussanut allaffissornikkut kingunissaqarani.

Digitaliseeriineq innuttaasut inuutissarsiutilillu pingaarnertut annertuumik iluaqutigisinnaassavaat, ullutsinnilu allakkanik nassitsisarnerit pappiaqqatigullu nalunaarsuisarnerit atorunnaarsinneqarsinnaassallutik. Taamaakkaluartoq uppersaatinik pappiaqqanik sulii nassitsisoqarsinnaassaaq. Umiarsuarnik nalunaarsuisarnerup digitaliseererneqareerneratigut assersuutigalugu inuit digitaliusumik atsiorsinnaangitsut imaluunniit digitaliusumik atsiorusunngitsut, umiarsuarnik nalunaarsuiffimmut sinnerlutik nalunaarsinnaasussanut piginnaatitsissummik tunniussisinnaassapput

Aamma digitaliseeriinerup kingunerisaanik maanna umiarsuit nunamit suminganneernerinut uppersaatinik umiarsuarmititsisarnissaannut piunasaqaataasoq atorunnaassaaq, paasisutissat digitaliusut oqartussaasunit pigineqarmata.

Aamma umiarsuarnut nalunaarsuivimmut maleruagassat allangornerisigut sunngiffimmi angallatit 5 bruttotonsit sinnerlugit aamma 20 bruttotonsit inorlugit angissusillit umiarsuarnut nalunaarsuivimmi allassimajunnaassapput. Ullumikkut angallatit taamaattut Kalaallit Nunaanni 100-t missaanniipput. Angallatinut taakkununga ikaarsaarnermi aqqissuussinermik suliaqartoqassaaq, taamaalluni umiarsuit qularnaveeqquserneqartarnissaat eqqumaffigineqassaaq Siunissaq eqqarsaatigalugu tamanna angallatit piginnituinut oqartussaasunullu allaffissornikkut oqinnerulersitsissaaq. Tamatuma saniatigut inuinnarnut inatsisit, taamatullu pisortanut inatsisit naapertorlugit umiarsualivimmiinnermut akitsuutit umiarsuarnik imarsiornermi qularnaveeqqusiussaqarneq ersarissumik allassimasunngorlugu, imarsiorneq pillugu inatsisip § 51-ia nutarterneqassaaq.

Peqqussutip matuma akuerineqarnerani siunissami ilaatigut angallatip pappiaraataasa isumagineqarnissaat ajornannginnerulissaaq, taakku digitalimik pigineqartussaammata, taamaallillunilu pappiararsornerit amerlanertigut oqimaassinnaassut pinngitsoorinneqartussaallutik.

2. Tusarniaanermut piffissaq ilisimatitsissutigeqqullugu aamma tusarniaassutinik tigusaqartut tusarniaaffigineqartullu akissutaat pillugit nalunaarusioqqullugit Naalakkersuisullu taakkununga oqaaseqaataat nalunaarusioqqullugit qinnuigineqassapput.

Akissut: Peqqussut 8. januar – 5. februar 2020-mi tusarniaanermut iserfissiaq aqqutigalugu tamanut ammasumik tusarniaassutigineqarpoq, kiisalu tusarniaaffiusut uku toqqaannartumik nassiussivigineqarlutik:

Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, Peqqissutsimut Naalakkersuisoqarfik, Inuussutissarsiornermut, Nukissiuuteqarnermut Ilisimatusarnermut Suliffeqarnermullu Naalakkersuisoqarfik, Pinngortitamut Avatangiisinullu Naalakkersuisoqarfik aamma Aatsitassaqarnermut Naalakkersuisoqarfik, Imarsiornermik Ilinniarfik, Issittumi Sakkutooqarfik, Kalaallit Nunaanni Politiit, Sinerissami Radioqarfik, KNAPK – Aalisartut Piniartullu Kattuffiat, SIK – Sulisartut Kattuffiat, Sulisitsisut, Atorfillit Kattuffiat (AK), Royal Greenland, Royal Arctic Line, Arctic Umiaq Line, Umiarsuaatileqatigiiffik Martek, Arctic Boat Charter, Sirius Grønland, Disko Line, Visit Greenland, Normar Consult, KANUAANA – Kalaallit Nunaanni Aalisarnermut Akuersissutinik Nakkutilliisoqarfik, KNI A/S – Polaroil, Greenland Pilot Service, HP Poulsen 80, Greenland Oil Response, Nuuk Water Taxi, 60North aamma Asiaq – Kalaallit Nunaanni Misissueqqissaarnerit.

Tusarniaanermi akissuteqaatit tiguneqartut allannguissamut tunngavissinngillat. Tamatuma saniatigut tusarniaanermi akissuteqaatit ataasiakkaarlugit oqaaseqarfigineqarlutik, tusarniaaneq pillugu allakkiaq (ilangussaq 3) innersuussutigineqarpoq.

Inussiarnersumik inuulluaqquusillunga


Karl Frederik Danielsen

Tusarniaanermi allakkiaq

Umiarsuarnik nalunaarsuineq pillugu maleruagassat Kalaallit Nunaannut atuutilereri pillugit peqqussutip Namminersorlutik Oqartussanit akuerineqarnissaa pillugu Inatsisartut aalajangiiffigisassaattut siunnersuut

Peqqussut 8. januar – 5. februar 2020-mi tusarniaanermut iserfissiaq aqqutigalugu tamanut ammasumik tusarniaassutigineqarpoq, kiisalu tusarniaaffiusut uku toqqaannartumik nassiussivigineqarlutik:

Naalackersuisut Siulittaasuata Naalackersuisoqarfia, Aningaasaqarnermut Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Ilinniartitaanermut, Kultureqarnermut Ilageeqarnermullu Naalackersuisoqarfik, Peqqissutsimut Naalackersuisoqarfik, Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisoqarfik, Pinngortitamut Avatangiisinulu Naalackersuisoqarfik aamma Aatsitassaqaarnermut Naalackersuisoqarfik, Imarsiornermik Ilinniarfik, Issittumi Sakkutooqarfik, Kalaallit Nunaanni Politiit, Sinerissami Radioqarfik, KNAPK – Aalisartut Piniartullu Kattuffiat, SIK – Sulisartut Kattuffiat, Sulisitsisut, Atorfillit Kattuffiat (AK), Royal Greenland, Royal Arctic Line, Arctic Umiq Line, Umiarsuaatileqatigiiffik Martek, Arctic Boat Charter, Sirius Grønland, Disko Line, Visit Greenland, Normar Consult, KANUAANA – Kalaallit Nunaanni Aalisarnermut Akuersissutinik Nakkutilliisoqarfik, KNI A/S – Polaroil, Greenland Pilot Service, HP Poulsen 80, Greenland Oil Response, Nuuk Water Taxa, 60North aamma Asiaq – Kalaallit Nunaanni Misissueqqaarnerit.

Tusarniaanermi akissuteqaatit tiguneqartut allannguinnissamut tunngavissiiingillat. Takussutissiami matuma kingulianiittumi tusarniaanermi akissuteqaatit ataasiakkaat saqqummiunneqarput oqaaseqarfigineqarlutillu.

N r.	Tusarniaaffiusoq	Oqaaseqaat	Oqaaseqaammut oqaaseqaat
1	Aningaasaqar- nermut Naalackersuiso- qarfik	<p>Naalackersuisoqarfimmit maluginiarneqarpoq, iluarsissutit ilaat umiarsuarnut nalunaarsorsimasunut ukiumoortumik akitsuutit allanngortinneqarnerinut tunngasuusoq (imarsiornermut inatsimmi § 15 a). Tamanna pillugu siunnersuummi allassimavoq, umiarsuarnut niuffagiutitut aamma umiarsuarnut aalisariutitut, 30 bruttotonnage inorlugu angissusilinnut ukiumoortumik akitsuut 2018-imi 300 koruuninut appartinneqartoq. Akitsuut umiarsuarnut, Kalaallit Nunaanni angerlarsimaffeqartunut, inunnit imaluunniit ingerlatseqatigiiffinit il.il. Kalaallit Nunaanni najugalinnut imaluunniit angerlarsimaffeqartunut atuutsinneqanngilaq. Kisiannili umiarsuarnik ataasiakkaanik, Kalaallit Nunaanni angerlarsimaffeqartunik, kisiannili inunnit, Kalaallit Nunaanni najugaqanngitsunit imaluunniit ingerlatseqatigiiffinit il.il. Kalaallit Nunaanni angerlarsimaffeqanngitsunit pigineqartunik peqarpoq.</p> <p>Maleruagassat Kalaallit Nunaannut atuuttussanngortinneqarnissa at, taamaalillunilu akitsuutinik appaanerit umiarsuarnut ataasiakkaanut</p>	<p>Akitsuutip appaataata umiarsuarnut Kalaallit Nunaanni angerlarsimaffeqartunut, aamma inunnit suliffeqarfinnilluunniit Kalaallit Nunaanni najugaqartunut atuuttussaannginneranut peqqutaavoq, umiarsuit pineqartut akitsuuteqartinneqannginnerat. Taamaattumillu aamma umiarsuarnut taakkununga akitsuutinik appaasoqassanngilaq.</p>

		iluaqutissanngortinneqarnissa at siunnersuutigineqarpoq.	
2	Issittumi Sakkutooqarfik	Oqaaseqaateqanngillat.	
3	Hans Borchersen	Imarsiornermut inatsimmi §§11a og 17a. Maanngaanniit teknikkimut tunngasunut oqaaseqaatissaqartoqanngilaq . Tassanili erseqqissaatigineqaqqissaaq, umiarsuarnik	Aalisariutinut GR-normunik tunniussisarnermut tunngatillugu ilisimatitsissutigineqarsinnaavoq, Attaveqaqatigiinnermut immikkoortortaqarfiup Imarsiornermut

		<p>nalunaarsuisartup aamma EU-mi pineqaatissiissutaasartut umiarsuarnut Kalaallit Nunaanni nalunaarsorsimasunut atuutsittussaammagit.</p> <p>Imarsiornermut inatsimmi § 12. Angallatit allattorsimaffianni aalajangersakkat sullisseriaatsimit qeratasumit peerneqarnissaat iluarisimaarnarluinnarpoq pissusissamisoorlunilu. Tassami angallatit allattorsimaffiannut ilanngunnissamut angallammi qularnaveeqqusiussaarluni taarsigassarsinermi allagartamik nalunaarsorsimasumik peqannginnissarpiaq piumasaqaataavoq. Tassunga tunngasumik oqaaseqaatissaqanngilanga.</p> <p>Imarsiornermut inatsimmi §15a. Tamanna pillugu isumaqanngilanga. Inuit Danmarkimi najugallit nalunaarsorneqarnermut akitsuummik akiliiniangiinnarlutik Kalaallit Nunaata erfalasanik erfalasoqartariaqanngillat. Ilanngussaq 2-mut aamma GR-normunik nalunaarsuisarnermut tunngatillugu, kommunit nutaanilluunniit killeqarfeqalersimagaluarpata angallatit suminnangaanneernerisa</p>	<p>Aqutsisoqarfimmi umiarsuarnut nalunaarsuisartoq, angallatit suminnangaanneernerinik takunniffiisinnaasoq attatiinnaquneqarmat. Soorlu GR1-XX Nanortalimminngaanneerpoq. Oqaaseqaatit peqqussummi allannguissamut tunngavissiiinngillat.</p>
--	--	---	--

		takuneqarsinnaanissaat pingaaruteqarpoq.	
4	Aatsitassaqaerner mut Naalakkersisuisoq arfik	Oqaaseqaateqanngillat.	
5	Sikuki Nuuk Harbour	<p>Ilanngussaq 1 – Sunngiffimmi angallatit akunnattumik angissusillit pisinnaatitaaffiik nalunaarsuisarneq pisariinnerusoq. Qularnaveeqqusiussaqaarluni taarsigassarsinermi allagartat pillugit Kalaallit Nunaannut nalunaarutip nr. 435, 27. november 1967-ip allanngortinneqarnissaa, taamaalillunilu umiarsualivimmi oqartussaasut sunngiffimmi angallatinik, inunmut nalunaarsuiffimmut ilaasunik, kiisalu umiarsuarnik, umiarsuarnut nalunaarsuiffimmut ilaasunik imarsiornermi qularnaveeqqusiussaqaartalern issaasa pingaaruteqarnera erseqqissaatigerusupparput.</p> <p>Ilanngussaq 1 – Umiarsualivimmiinnermut akitsuutit (Imarsiornermut inatsimmi § 51) Inuinnarnut inatsisit, taamatullu pisortanut inatsisit naapertorlugit umiarsualivimmiinnermut akitsuutit umiarsuarnik imarsiornermi qularnaveeqqusiussaqaartalern issamut soorunami tapersiivugut, taamaalilluni umiarsuit angallatillu tamarmik ilaatinneqarnerat</p>	Oqaaseqaatit allannguissamut tunngavissiiinngillat, kunnikkormiut peqqussutaanni qulequttat taakkorpiat oqaaseqaatini sammineqarmata.

		qularutigineqarsinnaassanngi mmat.	
6	Sulisitsisut	Oqaaseqaateqanngillat.	
7	Aalisarnermut, Piniarnermut Nunalerinermullu Naalakkersuisoqarfik	<p>Tusarniaanermi najoqqutassanit nassiunneqartunit ilanngussaq 2, ”Imarsiornermut inatsimmi allannguutit aamma pappiaqqanik nalilinnik atorunnaarsitsisarnermut inatsisip Kalaallit Nunaanni atuuttussanngortinneqarnissa at pillugu peqqussut” oqaaseqaateqarfigaarput. Immikkoortunut matuma kingulianiittunut uku erseqqissaatigerusuppagut:</p> <p>- Pkt. 6 aamma 13: Matumani kalaallit angallataat pineqartillugit Namminersorlutik Oqartussaniik siumoortumik oqaaseqaammik piniartoqartassannginnersoq.</p> <p>Taanna ilaatigut nunanut allanut politikkimut apeqquummut attuumassutilittut isigineqartariaqarpoq. Taamaattumik Namminersorlutik Oqartussat minnerpaamik kalaallit umiarsuaat/angallataat/umiatsiaat il.il. pineqartillugu aalajangiinnermut akerliunissamut pisinnaatitaaffeqartariaqarput. Taamaalilluni Namminersorlutik Oqartussat kalaallit umiarsuaannik piiaanissamut siumoortumik akuersisartussaassapput, kiisalu kalaallit umiarsuaannik piiaanissamut itigartitsisartussaassallutik.</p>	<p>Imm. 6 aamma 13 pillugit oqaaseqaatinut:</p> <p>Umiarsuarnik Kalaallit Nunaanni angerlarsimaffeqartunik nalunaarsuinnermut peersinermullu atatillugu nunani tamalaani pineqaatissiissutaasinnaasut naammassineqarnissaannik aalajangiinerit siumoortumik akuerineqartarnissaannik kissaateqarnermut, aammalu taamatut kissaateqarnermut suup tunngavigineqarneranut tunngatillugu, inatsisissamut piareersaatini (https://www.retsinformation.dk/Forms/R0710.aspx?id=193844) takuneqarsinnaasutut matumani pineqaatissiisarnerit, taamaallaat nunanut allanut politikkimik annertoorsuarmik tunngaveqartut, danskit oqartussaasuinut pituttuisuusut tunngavigalugit aalajangiiffigineqartut pineqarput. Maannarpiaq pineqaatissiisarnerni siunnerfigineqarpoq, Korea Avannarliup umiarsuarnik danskit umiarsuarnut nalunaarsuiffiitut nalunaarsuititseqqusaannginmissaa, taamatullu umiarsuit nalunaarsorneqarnerinik Korea Avannarlermut nuussinissamik kissaateqartoqartillugu umiarsuarnik allattuiffimmiit peersinaveersaarnissarput.</p> <p>Tamatuma saniatigut umiarsuarnik</p>

		<p>- Imm. 12: Kalaallit angallatinik piginnittut iluaqutissaminnik annaasaqartussaapput, ukiumoortumik akitsuummumut 300 koruuninik akiliisartussanngoramik. Tamanna angallatinik nalunaarsuititsinissamut kajumissuseqarnermut eqquisinnaavoq, kisiannili paarlattuanik angallatit mikisut nalunaarsorneqarnissaannut "aningaasaliisinnaallutik".</p> <p>- Imm. 37: Suliart taamaattut Kalaallit Nunaanni Eqqartuussivimmi sularineqartariaqarput, Østre Landsret-imi pinnatik.</p> <p>Tassani Kalaallit Nunaata aamma danskit umiarsuarnik nalunaarsuisarfiata suleqatigiinnerat isiginiarneqarsimasutut eqqarsaatigineqarsimasutullu unniit isikkoqanngilaq. APNN isumaqarpoq, umiarsuaatillit Kalaallit Nunaanni angerlarsimaffeqartut aaqqiagiinnginnernik, inatsit manna malillugu Kalaallit Nunaanni eqqartuussiveqarnermut ingerlatitsisarnissaat inissinneqartariaqartoq allassimasariaqarlunilu.</p> <p>Tamatuma saniatigut APNN-imiit kissaatit qitiulluinnartut marluk erseqqissaatigineqassapput:</p>	<p>nalunaarsuisarnerit naalagaaffiup susassaqarfigaa, taamaattumillu suliassaqarfimmut, Namminersorlutik Oqartussat nunanut allanut politikikkikut immikkut piginnaasaqarfigisaannut ilaatinneqanngillat. Kiisalu umiarsuarnik nalunaarsuisartup aalajangiineri inatsisinik tunngaveqarput, aalajangiinerit eqqartuussivinni pisartut assigalugit. Taamaattumik umiarsuarnut, Kalaallit Nunaanni angerlarsimaffeqartunut, suliassaqarfimmi suliassanik agguasarnermik nalinginnaasumik unioqqutitsisunut aaqqissuussinermik immikkut ittumik atuutsitsilernissamut tunngavisoq takujuminaappoq. Tamanna aamma Kunngikkormiut peqqussutaatigut Kalaallit Nunaannut atuutsitsilernermut atatillugu naammassineqarsinnaasunik qaangiinerusussaassaaq, taamaattumillu inatsimmik allannguisoqassappat Folketingip akulerutsinneqarnissaa pisariaqartussaavoq.</p> <p>Imm. 12-imut: Kalaallit angallataat iluaqutissanik annaasaqassanngillaat, angallatit Kalaallit Nunaanni angerlarsimaffeqartut, Kalaallit Nunaanni angerlarsimaffeqartunik piginnittullit suli akitsuusiiffigineqartartussaannng immata. Akitsuutinik appaaneq</p>
--	--	--	--

		<p>1. Angallatit aalisariutit tamarmik, 5 bruttotonnage inorlugu (§ 12) angissusillit angallatit allattorsimaffiitut nalunaarsorneqarnissaat, aamma angallatit 5 aamma 20 bruttotonnage akornanni angissusillit (§ 10, imm. 2).</p> <p>2. Angallatit aalisariutit Kalaallit Nunaanni angerlarsimaffeqartut nalunaarsorneqartarnerinik allanngineq, tassani nalunaarsuinerup Namminersorlutik Oqartussanit akuerineqarsimanissaa naatsorsuutigineqartarluni.</p>	<p>angallatinut Kalaallit Nunaanni nalunaarsorsimasunut, kisiannili Kalaallit Nunaanni najugaqanngitsunik piginnittoqartunut atuutsinneqassaaq – angallatit taakku aamma ullumikkut akitsuummik akiliisareerput.</p> <p><i>Imm. 37-mut:</i> Umiarsuit Kalaallit Nunaanni angerlarsimaffeqanngitsut, kisiannili Danmarkip/Kalaallit Nunaata avataani angerlarsimaffeqartut Østre Landsret-imut ingerlateqqinneqartartussaapput .</p> <p>Umiarsuaatileqatigiiffik umiarsuup piginnittua Danmarkimi/Kalaallit Nunaanni angerlarsimaffeqarpat, nunap eqqartuussiveqarfiani eqqartuussivik, umiarsuaatileqatigiiffiup angerlarsimaffianiittoq ingerlatitsivigineqassaaq. Taamaattumik umiarsuit Kalaallit Nunaanni angerlarsimaffeqartut Kalaallit Nunaanni Eqqartuussivimmut ingerlatinneqartassapput.</p> <p>APNN-ip kissaataanut qitiusunut marlunnut: Imm. 1-imut tunngatillugu imarsiornermut inatsimmi § 12, imm. 1 naapertorlugu, soorlu angallatit aalisariutit, 20 bruttotonnage inorlugu angissusillit angallatit allattorsimaffiannut nalunaarutigineqartussaapput. Tamatuma saniatigut angallatit aalisariutit, 5 bruttotonnage-nik angissutillit annerusulluunniit, kisiannili 20 bruttotonnage-t inorlugit angissusillit</p>
--	--	---	---

			<p>piginnittup piunasaqarneratigut imarsionermut inatsimmi § 10, imm. 2 naapertorlugu umiarsuit nalunaarsorsimaffiitut nalunaarsorneqarsinnaapput. Taamaattumik APNN-ip suna kissaatigineraa ersernerluppoq. Taassuma saniatigut peqqussutissamut missingiummi taamaallaat maleruagassat Danmarkimi aalajangiussakkat atuutsilerpai. Taamaattumik peqqussutissamut missingiummi pissutsit allat pillugit maleruagassiorsinnaanissaq periarfissaqanngilaq.</p> <p>Imm. 2-mut tunngatillugu angallatit aalisariutit nalunaarsorneqarnissaat Namminersorlutik Oqartussanit akuerineqartussaapput, apeqqullu taanna kunnikkormiut peqqussutaatigut maleruagassiuunneqartussaann gilaq.</p> <p>Umiarsuarnik nalunaarsuisarnej pillugu nalunaarummi nr. 194 26/03/1998-imeersumi, Kalaallit Nunaannut atuutsinneqartumi § 41, imm. 1 nr. 3 naapertorlugu, assersuutigalugu angallatit aalisariutit, inuussutissarsiutigalugu aalisarnermut atorneqartut angallatit allattorsimaffiitut allatsinneqarsinnaapput. Taakku allatsissappata, angallatip inuussutissarsiutigalugu aalisarnermut atorneqarnera pillugu Aalisarnermut Pisortaqarfiup (ullumikkut</p>
--	--	--	--

			<p>Aalisarnermut Aqutsisoqarfiup) akuersissuteqarsimanissaa piumasarineqarpoq. Kisiannili Aalisarnermut Aqutsisoqarfik taammaallaat angallatinut, Danmarkimi angerlarsimaffeqartunut akuersissutinik tunniussisarpoq. Taamaattumik Imarsiornermut Aqutsisoqarfiup aamma Ineqarnermut Attaveqatigiinnermullu Naalackersuisoqarfiup APNN angallatit aalisariutit Kalaallit Nunaanni angerlarsimaffeqartut nalunaarsorneqarnissaannut suut atuutsinneqarnersut inissinniarlugu oqaloqatigeru-suttorujussuaat. Taanna umiarsuarnik nalunaarsuisarneq pillugu nalunaarummut nutaamut ilaatinneqarsinnaavoq.</p>
--	--	--	--



Inatsisartut Sanaartornermut Ataatsimiititaliaa, maani

**Sunnigiffimmi angallatit, 5 BT-t aamma 20 BT-t akornanni angissusillit,
taakkulu inunnut nalunaarsuiffimmut nalunaarsorneqartarneri**

13-11-2020
Suliaq nr.: 2020-43
ID nr. 58692191

Asasakka Sanaartornermut Ataatsimiititaliami ilaasortat

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Imm. 26-p aappassaanneerpeqarnissaanut piareersarninnut atatillugu malugaara, immikkoortup siullermeerpeqarnissaanut akissuteqaatip piareersarneqarnerani sulianut taaguutininik ajoraluartumik paarlaassisoqarsimasoq.

Paatsoorneq sunngiffimmi angallatinik, 5 BT-t aamma 20 BT-t akornanni angissusilinnik nalunaarsuisarnermut tunngasuuvoq. Siunissami taakku akissuteqaammi allassimasutut angallatit allattorsimaffiannut nalunaarsorneqartarunnaassapput. Angallatit taakku nalunaarsuiffiit arlaannulluunniit nalunaarsorneqartassanngillat, kisiannili angallat qularnaveeqqusiullugu taarsigassaarsinissaq kissaatigineqarpat, tamanna inunnut nalunaarsuiffimmut nalunaarsuinikkut tamanna pisinnaassaaq.

Paatsoorneq utoqqatsissutigaaara, aammalu allagaq ilanngunneqartoq Ataatsimiititaliamut ilisimatitsissutitut aammalu kajumittumik suliarineqarnera ingerlaqqittussanngorlugu nassiuppara.

Inussiarnersumik inuulluaqqusillunga


Karl Frederik Danielsen



Ineqarnermut Attaveqaqatigiinnermullu Naalakkersuisoqarfik

Att. Anders May

03-11-2020

Vores reference:

Sag nr. 2019 - 50175

**Kalaallit Nunaanni umiarsuarnik nalunaarsuisarnermut
maleruagassanik atuutsitsilerneq pillugu peqqussut**

Skibsregistret

/Mette Stensby Lange

Ineqarnermut Attaveqaqatigiinnermullu Naalakkersuisoqarfiup 30. oktober 2020-mi Imarsiornermut Aqutsisoqarfik oqarasuaatikkut kaammattorpaa, peqqussut matuma siuliani taaneqartoq, Inatsisartut ukiakkut ataatsimiinneranni imm. 26-tut suliarineqartussa qumarsuarnik nalunaarsuiffimmik atuutsitsisoqalinnginnerani itigartinneqassappat atugassatut, Det Digitale Skibsregister-imi (DSRG) qularnaveeqqusiussaarluni taarsigassarsiaqarnermut nalunaarsukkat sunniutaannut nassuiaatinut ilassutissanik nassiusseqqullugu.

SØFARTSSTYRELSEN

Caspar Brands Plads 9

4220 Korsør

Tlf. 72 19 60 00

CVR-nr. 29 83 16 10

EAN-nr. 5798000023000

sfs@dma.dk

www.sofartsstyrelsen.dk

ERHVERVSMINISTERIET

Imarsiornermut Aqutsisoqarfik 15. september 2020-mi Kalaallit Nunaata aamma Danmarkip akornanni attaveqarnermut ataatsimiititaliap ataatsimiinneranni kingunerisassat pillugit ilisimatitsivoq. Matuma kinguliani maleruagassat Kalaallit Nunaat ilanngullugu atuutsinneqalersinnaanngippata kingunerisassat, kiisalu umiarsuarnik nalunaarsuiffiup digitaliusup atuutsinneqalernissaanut piffissarititaasut allanngorneri ilanngutilarlugit pillugit paasissutissanut tapiliussat allaaserineqarput.

*Maleruagassat ataatsikkut atuutsinneqalersinnaannginnerisa
kingunerisassai*

Peqqussummi siunnersuutigineqartumi umiarsuarnik nalunaarsuiffiup digitaliusup Danmarkimut aamma Kalaallit Nunaannut ataatsikkut atuutsinneqalersinnaanera periarfissinneqarpoq. Taamaattumik peqqussutip atuutilernissaanut akuersinermi umiarsuarnik nalunaarsuiffiup digitaliusup Danmarkimut aamma Kalaallit Nunaannut ataatsikkut atuutsinneqalersinnaavoq, taamaalillunilu ataqatigiimmik aaqqissuussinermik atueqatigiissinnaassallutik.

Umiarsuarnik nalunaarsuiffiup digitaliusup atuutsinneqalernissaanut piffissaalluarallartillugu akuersisoqanngippat, peqqussutip atuutilernissaata tungaanut Kalaallit Nunaanni suleriaaseq pappiararsorfiusoq atorineqartussaassaaq.

Umiarsuarnik nalunaarsuiffiup digitaliusup "tamakkiisumik" atuutsinneqalernerani pappiaqqanik qularnaveeqqusiussaarluni

taarsigassarsiaqarnermut uppernarsaasiisarneq atorunnaassaaq (pappiararsortoqarunnaassaaq). Ilaatigut tamatuma nassatarisaanik umiarsuarni qularnaveeqqusiussaqarluni taarsigassarsiaqarnermut uppernarsaatit umiarsuarnik nalunaarsuiffimmut nalunaarsorneqarsinnaaniarlutik digitalinngorlugit suliarineqartassapput. Danmarkimi aamma Kalaallit Nunaanni ataatsikkut pappiararsortoqarunnaarsinnaanngippat, Imarsiornermut Aqutsisoqarfiup naliliinera malillugu qularnaveeqqusiussaqarluni taarsigassarsiaqarnermut uppernarsaatit isumaqatiginninniutaasinnaasut eqqarsaatigalugit qularnaveeqqusiussaqarluni taarsigassarsiaqarnermut allakkiat suut atorneqassanersut inatsisitigut nalornissutaalertussaapput. Maannarpiaq Kalaallit Nunaanni umiarsuarni qularnaveeqqusiussaqarluni taarsigassarsiaqarnermut uppernarsaatit digitalinngortinneqartinnagit, Danmarkimi qularnaveeqqusiussaqarluni taarsigassarsiaqarnermut uppernarsaatinut isumaqatiginninniutaasinnaasunut tunngatillugu pappiararsorunnaarnissaq pilersaarutigineqanngilaq.

DSRG-p ingerlalnissaanut piffissaliussaq

Imarsiornermut Aqutsisoqarfik siusinnerusukkut ilisimatitsivoq, DSRG-p 2021-mi februaarimi ingerlalersinnaanissaa naatsorsuutigigippat. Piffissaq taanna kinguartinneqarpoq.

Maannarpiaq taamaallaat 2021-mi suliffeqarfiup iluani ingerlatsisinnaalernissaq naatsorsuutigaarput. Suliffeqarfiup iluani ingerlatsinermi umiarsuarnik nalunaarsuisarnermut atortoq nutaaq atorneqassaaq, kisiannili suli uppernarsaatinik pappiaqqanik atuisoqassaaq, aammalu nalunaarsuisarneq allattuinnikkut pisassalluni. Tamatumunnga atatillugu maleruagassanik allannguinnissaq pisariaqartussaanngitsutut nalilerneqarpoq.

Umiarsuarnik nalunaarsuisarnermik digitalinngortitsinissaq maannarpiaq kinguaattooqqavoq. Suliap ingerlanerani ajornartorsiutinik pisariusunik, aaqqinniarnierini piffissamik sivisunerusumik atuffiusunik naammattuunerput tamatumunnga peqqutaavoq. Taamaattumik aalajangerpugut, umiarsuarnik nalunaarsuisarnermik digitaliusumik atuilernissaq immikkoortukkaarlugu ingerlanneqassasoq, taamaalillutalu aatsaat suliffeqarfiup iluani nalunaarsuisarnerit 2021-mi upernaakkut atulissagivut. Taamaalilluta ilaatigut Imarsiornermut Aqutsisoqarfiup atortunik ilinniarnissaa periarfissaqarfussaaq, tassungalu ingerlatsinerup avammut atutilernissaata, 2022-p ingerlanerani atulertussatut naatsorsuutigineqartup pinnginnerani iluarsisassanik pisariaqartitsisoqarnerseq pillugu misissuinissaq ilaatinneqarpoq. Umiarsuarnik nalunaarsuisarfiup digitaliusup suliarineqarnerani



kunngikkormiut peqqussutaata Inatsisartunit piaarnerpaamik akuerineqarnissaa sulii pingaaruteqarlunnarlunni.

Imarsiornermut Aqutsisoqarfimmit matuma saniatigut saqqummiussinermut allakkiaq 26. oktober 2020-meersoq, Kalaallit Nunaanni umiarsuarnik nalunaarsuisarnermut maleruagassanik atuutsitsilernissaq pillugu peqqussutip akuerineqarnissaanik Inatsisartut aalajangiiffigisassaattut siunnersuummut 13. agusti 2020-meersumut taartaasoq, Inatsisartuni oqaluuserisassani imm. 26-mi issuarneqartoq atuarneqarpoq.

Tassani ilaatigut allassimavoq:

”Aamma umiarsuarnut nalunaarsuivimmut maleruagassat allanngornerisigut sunngiffimmi angallatit 5 bruttotonsit sinnerlugit aamma 20 bruttotonsit inorlugit angissusillit umiarsuarnut nalunaarsuivimmi allassimajunnaassapput. Tassungali taarsiullugu angallatit allattorsimaffiini allassimasalissapput. Ullumikkut angallatit taamaattut Kalaallit Nunaanni 100-t missaanniipput. Angallatinut taakkununga ikaarsaarnermi aaqqissuussinermik suliaqartoqassaaq, taamaalillunilu angallatit qularnaveeqqusiussaqaarluni taarsigassarsinermi allagartamik peqarpata, taakku umiarsuarnut nalunaarsuiffimmiit inunnut nalunaarsuiffimmut nuunneqarsinnaalissapput. Siunissaq eqqarsaatigalugu tamanna angallatit piginnittuinut oqartussaasunullu allaffissornikkut oqinnerulersitsissaaq.”

Erseqqissaatigineqassaaq, matumani sunngiffimmi angallatit tamatumunnga taarsiullugu angallatit allattorsimaffiannut nalunaarsorneqarsinnaanerat pineqanngimmat. Allannguinerup kingunerisaanik sunngiffimmi angallatit 20 BT-t inorlugit angissusillit danskit umiarsuarnut nalunaarsuiffiannut imaluunniit angallatit allattorsimaffianut nalunaarsorneqarsinnaassanngimmata.

Tamatuma saniatigut erseqqissaatigineqassaaq, matumani aamma qularnaveeqqusiussaqaarluni taarsigassarsiaqarnerit umiarsuarnut nalunaarsuiffimmiit inunnut nalunaarsuiffimmut nuunneqarsinnaanngimmata. Ikaarsaarnermi aaqqissuussinermik, 1. marts 2018-imi Danmarkimi atuutsinneqalersup assinganik atuutsitsisoqalernissaa siunnersuutigineqarpoq.

Ikaarsaarnermut aqqissuussisoqarnerani umiarsuarnik nalunaarsuisartup kalaallit sunngiffimmi angallataat, minnerpaamik 5 bruttotonsinik angissusillit aamma 20 bruttotonsinit mikinerusut, qularnaveeqqusiussaqaarluni taarsigassarsiaqartutut, atuisinnaatitaasutut imaluunniit allanik pisinnaatitaaffeqartutut nalunaarsorneqanngitsut maleruagassat atuutilerinerini piiartussaassavai.

Sunngiffimmi angallatit, qularnaveeqqusiussaqaarluni taarsigassarsiaqarfiusutut, atuisinnaatitaaffiusut imaluunniit allanik pisinnaatitaaffeqarfiusut nalunaarsuiffimmit peerneqassanngillat, kisiannili umiarsuarnut nalunaarsuiffimmi suut nalunaarsorneqarsinnaanersut killeqartorujussuussaaq, aammalu atuisinnaatitaaffinnik nutaanik nalunaarsuisoqarsinnaanngilaq, imaluunniit atuisinnaatitaaffinnik pioreersunik allannguisoqarsinnaasanani.

Aalajangersakkap Kalaallit Nunaannut atuutsinneqalernerata kingorna sunngiffimmi umiarsuarmi qularnaveeqqusiussaqaarluni taarsigassarsisoqarnissaa kissaatigineqarpat, qularnaveeqqusiinermut uppersaat inunnt nalunaarsuiffinnut nalunaarsorneqassaaq. Imarsiornermut Aqutsisoqarfiup paasinninnera malillugu allannguinermi qularnaveeqqusiussaqaarluni taarsigassarsisarneq pillugu Kalaallit Nunaannut nalunaarut nr. 435, 27. november 1967-imeersoq allannguutip atuutilerneranut peqatigitillugu atuuttussanngorsinnaasumik allanngortinneqartariaqassaaq.

Aamma ileqqorissaarnissaa eqqarsaatigalugu erseqqissaatigineqassaaq, nunamit suminngaanneermermut uppersaatip naqeqqaakkap umiarsuarmiitinneqartussaaneraniq piunasaqaatip atorunnaarsinneqarnerani, nunamit suminngaanneermermut uppersaatit digitaliusut uppersaatitut digitalitut imaluunniit nunamit suminngaanneermermut uppersaatip digitaliusup naqinneratut takutinneqartussaammat. Saqqummiussinermi allakkianut marluusunut imminnut assersuunneqarnerat paatsoornerussasoq ilimanarsinnaavoq. Annertunerusumik itisiliiffigineqarnissamik pisariaqartitsigussi, imaluunniit apequtissaqarussi uannut saaffiginissinnaavusi.

Inussiarnersumik inuulluaqqusillunga

Kristina Ravn
Allaffimmi pisortaq



Imarsiornermut malittarisassiuussivik inatsilerivillu

Toqq./Direkte telefon: +45 72 19 37 62